

**NË EMËR TË POPULLIT**

**GJYKATA THEMELORE NË FERIZAJ-DEPARTAMENTI PËR KRIME TË RËNDA**, si gjykatë e shkallës së parë penale, me kryetarin e trupit gjykues Musa Konxheli, bashkëpunëtoren profesionale Mirlinda Bytyqi Rexhepi, në çështjen penale ndaj te pandehurit B.L., nga Kaçaniku i Vjetër, për shkak të veprës penale blerja, posedimi, shpërndarja dhe shitja e paautorizuar e narkotikëve substancave psikotrope dhe analoge nga neni 273 par.2 të KPRK-së, sipas aktakuzës së Prokurorisë Themelore në Ferizaj-Departamenti për Krime të Rënda, PP/I.nr.28/16 te dt. 7 korrik 2016, në praninë e Prokurorit të shtetit Rasim Maloku, të pandehurit B.L., mbrojtësit të caktuar sipas detyrës zyrtare av.S.J. pas mbajtjes së shqyrtimit gjyqësor publik më dt.28.10.2016 sjell dhe publikisht shpalli këtë:

**A K T G J Y K I M**

**I pandehuri: B.L.**, i biri i I. dhe nënës K. e vajzërisë B., data e lindjes..... në fsh..... K.Kaqanik, me vendbanim në rr”.....” pn Kaçanik i vjetër, shqiptar, shtetas i R. Kosovës, ka të kryer shkollën e mesme, punëtor i ndërtimitarisë, i pa martuar, i gjendjes së mesme ekonomike,

**ËSHTË FAJTOR**

Sepse me dt.22 Mars 2016, rreth ores 13.00 në Kaçanik pa autorizim ka poseduar dhe shitur substance narkotike e llojit marihuanë, në atë mënyrë që më pare ka blerë substanceën narkotike prej një personi tani të panjohur, pastaj ka shkuar në lokalit “.....” ku I ka shitur të miturit T.T. 0.70 gr mariuanë për çmimin prej 5 euro, kurse me rastin e kontrollit në trupin e tij janë gjetur edhe 7 paketime me substance të dyshuar narkotike të llojit mariuanë të mbështjella me foli alumini, me peshë neto të përgjithshme 4.74 gr, e cila I sekuestrohet përkohësishtë nga policia

**me të cilën kreu veprën penale blerja, posedimi, shpërndarja dhe shitja e paautorizuar e narkotikëve substancave psikotrope dhe analoge nga neni 273 par.2 të KPRK-së**

Andaj gjykata duke u bazuar ne dispozitat ligjore te neneve **3, 4, 7, 41, 42, 43, 45, 46, 49, 50, 52, 73, 75, 76 par.1 nenpar.1.3 te KPRK-se dhe nenit 359 e 365 te KPPRK-se**

## **I. AKTGJYKIM FAJESUES**

### **G J Y K O N**

**Te akuzuarin B.L.,**

**Per veprën penale blerja, posedimi, shpërndarja dhe shitja e paautorizuar e narkotikëve substancave psikotrope dhe analoge nga neni 273 par.2 të KPRK-së,**

- **ME DËNIM BURGIMI: në kohëzgjatje prej 4 (katër) muajve në të cilin llogaritet edhe koha e kaluar në ndalim nga dt.22.03.2016 deri 24.03.2016 , kurse në arrest shtëpiak deri më dt.21.04.2016**
- **Me dënim me gjobë në shumë prej 200 ( dy qind) euro.**

**Denimi i shqiptuar me gjobë, nuk do të ekzekutohet nëse i pandehuri gjate periudhes verifikuese ne afat prej një viti nga plotefuqishmeria e ketij aktgjykimi nuk kryen veper penale tjeter te kesaj natyre**

Konform nenit 273 par.5 të KPPRK-së, konfiskohen në mënyre te përhereshme: substanca narkotike e llojit marihuana me peshe 4.74 gr kg, të sekuestruar përkoheisht nga Policia e Kosoves.

URDHEROHET Policia e Kosoves qe pas plotëfuqishmërise së ketij aktgjykimi ta bëj; shkatrimin e substancave narkotike të llojit marihuana me peshe 4.74 gr të konfiskuara në mënyrë te përhereshme

I akuzuari B.L. obligohet që në emër te shpenzimeve ta paguaj paushallin gjyqësor në shumë prej 30/tridhjetë/ euro, në afat prej 15 ditësh nga dita e plotëfuqishmërise së këtij aktgjykimi.

## **A r s y e t i m**

### **Historiku i procedures**

**Prokuroria e Themelore në Ferizaj-Departamenti për Krime të Rënda,** me aktakuzën PP/I.nr.28/16 te dt.7 korrik 2016, me te cilen e ka ngarkuar të pandehurin B.L., nga Kaçaniku i Vjetër, per shkak te veprës penale blerja, posedimi, shpërndarja dhe shitja e paautorizuar e narkotikëve substancave psikotrope dhe analoge nga neni 273 par.2 të KPRK-së

Gjykata duke vepruar sipas kësaj çështje penale mbajti shqyrtimin gjyqësor më dt. 28.10.2016 në të cilin prokurori i shtetit Rasim Maloku në tërësi ka mbetur pranë akuzës duke i propozuar gjykatës që te pandehurin ta shpallë fajtor për vepër penale si qe janë përshkruar ne dispozitivin e aktakuzes dhe ti shqiptohet dënimi sipas ligjit.

I pandehuri B.L., në shqyrtimin fillestar dhe atë gjyqësor pas konsultimeve të mjaftueshme me mbrojtësin e tij e ka pranuar fajsinë me të cilën e ka ngarkuar akuza duke premtuar se ne te ardhmen asnjëherë nuk do te kryej vepra penale tjera apo te ngjashme.

Meqenëse i pandehuri B.L. ka pranuar fajësinë për vepren penale për të cilen e ngarkon aktakuza në të gjitha pikat e sajë, i cili pranim është në përputhje me kriteret e përcaktuara me neni 248 par.1 të KPPK-së, kryetari i trupit gjykues pasi paraprakisht ka marr edhe mendimin e prokurorit te shtetit, dhe mbrojtësit te caktuar nga detyra zyrtare

av. S.J., konform nenit 248 par.5 të KPPRK-së ka pranuar fajësinë e të pandehurit në shqyrtimin gjyqësor.

### **Analiza e ligjit material**

Vlerësuar nga aspekti juridik gjykata gjeti se ekzistojne elementet e veprës penale në veprimet e të pandehurit B.L. nga Kaçaniku I Vjetër, për shkak të veprës penale blerja, posedimi, shpërndarja dhe shitja e paautorizuar e narkotikëve substancave psikotrope dhe analoge nga neni 273 par.2 të KPRK-së

Kryerja e veprave penale nga i akuzuari vertetohet edhe nga provat tjera të propozuara nga prokurori I shtetit në aktakuzën e cila është objekt shqyrtimi dhe atë:

Vertetimi mbi sekuestrimin e perkoheshëm të sendeve I dt.22.03.2016, raporti I ekspertizës së AKF-së nr.AKF/2016-CE-..... dt.23.05.2016 si dhe fotografit që gjenden në shkresë të lëndës.

### **Përcaktimi i dënimit**

Me rastin e matjes së llojit dhe lartësisë së dënimit gjykata vlerësoi të gjitha rrethanat në kuptim të nenit 73, 74 dhe 75 dhe 76 të KPRK-së. Sipas nenit 74 par.3 nenpar.3.10 dhe 3.11 të KPRK-së, si rrethanë veçanërisht lehtësuese për të pandehurin mori pranimin e fajësisë, dhe keqardhjen të shfaqur nga i pandehuri. I njëjti pas kryerjes së kësaj veprë penale është penduar dhe është zotuar se në të ardhmen nuk do të përsëris vepra të tilla penale. Gjithashtu si rrethanë lehtësuese gjykata mori faktin se i pandehuri për herë të parë ka rënë ndesh me ligjin si dhe Gjkata mori parasysht edhe llojin e narkotikut që është gjetur tek i pandehurisi dhe sjelljen korrekte gjatë procedurës.

Si rrethana rënduese gjykata vlerësoi veprimin-dashjen e të pandehurit, B.L. pastaj shkallën e përgjegjësisë penale dhe rrezikshmërinë konkrete të veprës penale, andaj në kuptim të gjitha këtyre rrethanave të pandehurit e gjykoi me dënim të përcaktuar si në dispozitiv të këtij aktgjykimi I cili dënim është në minimumin e paraparë ligjor, me të

cilat dënim do të arrihet qëllimi ndëshkimor në kuptim të nenit 41 të KPRK-së që të njëjtin ta parandalojë nga kryerja e veprave penale në të ardhmen dhe të bëjë rehabilitimin e tij si dhe të përmbajë persona të tjerë nga kryerja e veprave penale.

Substancat narkotike të sekuestruar të konfiskohen në mënyre të përhershme.

Konform nenit 450 par.2 pika 2.6 të KPPRK-së, i akuzuari u obligua që në emër të shpenzimeve ta paguaj paushallin gjyqësor në shumë prej 30/tridhjetë/ euro, në afat prej 15 ditësh nga dita e plotfuqishmerise se këtij aktgjykimi.

Nga arsyet e lartë përmendura është vendos si në dispozitiv të këtij aktgjykimi.

**GJYKATA THEMELORE NË FERIZAJ-  
DEPARTAMENTI PËR KRIME TË RËNDA,  
PKR.nr.113/16 dt. 28 Tetor 2016**

**Bashkëpunëtore profesionale**

Mirlinda Bytyqi Rexhepi

**Kryetari i trupit gjykues**

Musa Konxheli

**KËSHILLA JURIDIKE**

Kundër këtij aktgjykimi është e lejuar ankesa, Gjykatës së Apelit në Prishtinë në afat prej 15 ditësh nga dita e pranimit të kopjes me shkrim të këtij aktgjykimi, për mes kësaj gjykate.